

斷句
校正

白香山詩集

塾鄉著



白香山詩長慶集卷十七

律詩

五言七言自兩韻至五十韻凡一百首

江南謫居十韻

自哂沈冥客。曾為獻納臣。壯心徒許國。薄命不如人。纔展凌雲翅。俄成失水鱗。葵枯猶向日。蓬斷欲^{一作即}辭春。澤畔長愁地。天邊欲老身。蕭條殘活計。冷落舊交親。草合門無徑。煙銷甕有塵。憂方知酒聖。貧始覺錢神。虎尾難容足。羊腸易覆輪。行藏與通塞。一切任陶鈞。

江樓夜吟元九律詩成三十韻

昨夜江樓上。吟君數十篇。詞飄朱檻底。韻墮綠江前。清楚音諧律。精微思入玄。收將白雪麗。奪盡碧雲妍。寸截金為句。雙雕玉作聯。八風淒間發。五彩爛相宣。永扣聲聲冷。珠排字字圓。文頭交比繡。筋骨輒於綿。湧湧同波浪。錚錚過管絃。醴泉流出地。鈞樂下從天。神鬼聞如泣。魚龍聽似禪。星迴疑聚集。月落為留連。鴈感無鳴者。猿愁亦悄然。交流遷客淚。停住賈人船。聞被歌姬乞。潛聞思婦傳。斜行題粉壁。短卷寫紅箋。肉味經時忘。頭風當日痊。老張知定伏。短李愛應顛。張十八籍李二十道屈才方振紳皆攻律詩故云身閒業始專。天教聲烜赫。理合命連遷。顧我文章劣。知他氣力全。功夫雖共到。巧拙

尚相懸各有詩千首俱拋海一邊白頭吟處變青眼望中寬酬答朝妨食披尋夜廢

眠老債文債負宿結字因緣每歎陳夫子

陳子昂著感興詩稱於世

常嗟李謫仙

實知李謫仙名

高折人爵思苦滅天年

陳亮無言李亦早大

不得當時遇空令後代憐相悲今若此溫浦與通

川

潯陽歲晚寄元八郎中庾三十二員外

閑水年將暮燒金道未成丹砂不肯死白髮自須生病肺慙杯滯衰顏忌鏡明春深
舊鄉夢歲晚故交情一別浮雲散雙瞻列宿榮螭頭階下立龍尾道前行封事頻聞
奏除書數見名虛懷事僚友平步取公卿漏盡雞人報朝回幼女迎可憐白司馬老
大在溫城

元九以綠絲布白輕容見寄製成衣服以詩報知

綠絲文布素輕容珍重京華手自封貧友遠勞君寄附病妻親為我裁縫袴花白似
秋雲薄衫色青於春草濃欲著却休知不稱折腰無復舊形容

立名按齊東野語元微之寄白輕容無天製而為衣而詩中容字乃為流俗妄改為庸又作綺容蓋不知其所出也唐韋處輕容無花薄紗也王建宮詞嫌羅不著愛輕容周賀詩蜀煙飛重錦映雨潤輕容按容字之義蓋以末句有容字耳不知唐人用字異義不嫌重押也

清明日送韋侍御貶虔州

寂莫清明日。蕭條司馬家。留錫和冷粥。出火煮新茶。欲別能無酒。相留亦有花。南遷更何處。此地已天涯。

九江春望

森茫積水非吾土。飄泊浮萍是我身。身外信緣為活計。眼前隨事覓交親。爐煙豈異終南色。濕草寧殊渭北春。此地何妨便終老。匹如元是九江人。香爐峰上多煙。濕水終南色。濕草寧殊渭北春。此地何妨便終老。匹如元是九江人。香爐峰上多煙。濕水終南色。濕草寧殊渭北春。此地何妨便終老。匹如元是九江人。

立名漢魏。語陽秋云。樂天憶煙濕草二句。蓋不忘蔡汝舊居也。老杜偶題云。故山迷白閣。秋水憶黃陂。不忘秦中舊居也。東坡橫翠閣詩。已見西湖懷濯錦。更看橫翠閣。亦此意也。

晚題東林寺雙池

向晚雙池好。初晴百物新。衰枝翻翠羽。潑水躍紅鱗。萍泛同遊子。蓮開當麗人。臨流一惆悵。還憶曲江春。

贈內子

白髮方興歎。青蛾亦伴愁。寒衣補燈下。小女戲牀頭。閨澹屏幃故。淒涼枕席秋。貧中有等級。猶勝嫁黔婁。

送客春遊嶺南二十韻

因序嶺南方物以餞之。并擬微之送崔二十二之作。

已訝遊何遠。仍嗟別太頻。離容君感促。贈語我殷勤。迢遞天南面。蒼茫海北濱。訶陵

國分界。交趾郡為鄰。薊鬱三光晦。溫暾四氣勾。陰晴變寒暑。昏曉錯星辰。瘴地難為老。蠻陬不易馴。土民稀白首。洞主盡黃巾。戰艦猶驚浪。戎軍未息塵。時黃家賊方勳紅旗圍

卉服紮綬裹文身。麤苦枕榔裹。綠酸橄欖新。牙檣迎海舶。銅鼓賽江神。不凍貧泉暖。

無霜毒草春。雲煙蟒蛇氣。刀劍鱷魚鱗。路足羈棲客。官多謫逐臣。天黃生颺母。

風即見。雨黑長楓人。楓人因夜雷雨。輒聞長數丈。迴使先傳語。征軒早返輪。須防杯裏蠱。南方蠱毒多置。

中酒莫愛索中珍。北與南殊俗。身將貨孰親。嘗聞君子誠。愛道不憂貧。

立名按輟耕錄南人方言曰溫暖者得懷暖也王建宮詞新晴草色暖溫歌溫全律體天祐中唐人多善言風土如西北風沙醞醪釀幄之區東南水國壘島弄洞之外無不曲盡其妙樂天送人登巖南詩亦可謂曲盡南中之俗矣

自題

功名宿昔人多許。寵辱斯須自不知。一旦失恩先左降。三年隨例未量移。馬頭覓角生何日。石火敲光住幾時。前事是身俱若此。空門不去欲何之。

自悲

火宅煎熬地。霜松摧折身。因知羣動內。易死不過人。

尋郭道士不遇

郡中乞假來相訪。洞裏朝元去不逢。看院祇留雙白鶴。入門唯見一青松。藥爐有火

丹應伏雲碓。無人水自春。廬山中雲母多。故以水碓。舊傳。俗呼為雲碓。欲問叅同契。中事更期何日得從容。

潯陽春三首

元和十一年作

春生

春生何處問周遊。海角天涯徧始休。先遣和風報消息。續教啼鳥說來由。展張草色長河畔。點綴花房小樹頭。若到故園應覓我。為傳淪落在江州。

春來

春來觸動故鄉情。忽見風光憶兩京。金谷蹋花香騎入。曲江碾草鈿車行。誰家綠酒歡連夜。何處紅樓睡失明。獨有不眠不醉客。經春冷坐古湓城。

春去

一從澤畔為遷客。兩度江頭送暮春。白髮更添今日鬢。青衫不改去年身。百川來有回流水。一老終無却少人。四十六時三月盡。送春爭得不殷勤。

夢微之

十二年八月二十日夜

晨起臨風一惆悵。通川湓水斷相聞。不知憶我因何事。昨夜三更夢見君。

贈韋鍊師

潯陽遷客為居士。身似浮雲心似灰。上界女仙無嗜好。何因相顧兩徘徊。共疑過去人間世。曾作誰家夫婦來。

問劉十九

綠螳新醅酒。紅泥小火爐。晚來天欲雪。能飲一杯無。

得行簡書聞欲下峽先以此寄

朝來又得東川信。欲取春初發梓州。書報九江開楚喜。路經三峽想還愁。滿湘瘴霧加餐飯。瀝瀨驚波穩泊舟。欲寄兩行迎爾淚。長江不肯向西流。

南湖早春

風迴雲斷雨初晴。返照湖邊暖復明。亂點碎紅山杏發。平鋪新綠水蘋生。翅低白鴈飛仍重。舌澀黃鸝語未成。不道江南春不好。年年衰病減心情。

元十八從事南海欲出廬山臨別舊居有戀泉聲之什因以投和兼伸別情
賢侯辟士禮從容。莫戀泉聲問所從。雨露初承黃紙詔。煙霞欲別紫霄峰。傷弓來息新驚鳥。得水難留久臥龍。我正退藏君變化。一杯可易得相逢。

題韋家泉池

泉落青山出白雲。縈邨繞郭幾家分。自從引作池中水。深淺方圓一任君。

醉中對紅葉

臨風杪秋樹。對酒長年人。醉貌如霜葉。雖紅不是春。

遣懷

義和走馭趁年光。不許人間日月長。遂使四時都似電。爭教兩鬢不成霜。榮銷枯去無非命。壯盡衰來亦是常。已共身心要約定。窮通生死不驚忙。

點額魚

龍門點額意何如。紅尾青鬚却返初。見說在天行雨苦。為龍未必勝為魚。

聞龜兒詠詩

憐渠已解詠詩章。搖膝支頤學二郎。莫學二郎吟太苦。纔年四十鬢如霜。

對酒

未濟卦中休卜命。參同契裏莫勞心。無如飲此銷愁物。一餉愁消直萬金。

東牆夜合樹去秋為風雨所摧今年花時悵然有感

碧萼紅縷今何在。風雨飄將去不回。惆悵去年牆下地。今春唯有薺花開。

病起

病不出門無限時。今朝強出與誰期。經年不上江樓醉。勞動春風颺酒旗。

夢亡友劉太白同遊彰敬寺

三千里外臥江州。十五年前哭老劉。昨夜夢中彰敬寺。死生魂魄整同遊。

與果上人歿時題此設別兼簡二林僧社

本一作題結菩提香火社。為嫌煩惱電泡身。不須惆悵從師去。先請西方作主人。

贈寫真者

子騁丹青日。予當醜老時。無勞役神思。更畫病容儀。迢遞麒麟閣。圖功未有期。區區尺素上。焉用寫真為。

劉十九同宿

時淮寇初破

紅旗破賊非吾事。黃紙除書無我名。唯共嵩陽劉處士。圓茶賭酒到天明。

十二年冬江西溫暖喜元八寄金石拔

一作拔

到因題此詩

今冬臘候不嚴凝。暖霧溫風氣上騰。山脚崦中纔有雪。江流慢處亦無冰。欲將何藥防春瘴。只有元家金石稜。

閒意

不爭榮耀任沈淪。日與時疏共道親。北省朋僚音信斷。東林長老往還頻。病停夜食閒如社。慵擁朝裘暖似春。漸老漸諳閒氣味。終身不擬作忙人。

送友人上峽赴東川辟命

見說瞿塘峽斜街

一作橫

瀟灑根難於尋鳥遂險過上龍門羊角風頭急桃花水色渾

山迴若盤轉舟入似鯨吞岸合愁天斷波跳恐地翻憐君經此去為感主人恩

夜送孟司功

潯陽白司馬夜送孟功曹江關管絃急樓明燈火高湖波翻似箭霜草殺如刀且莫
開征棹陰風正怒號

衰病

老辭遊冶尋花伴病別荒狂舊酒徒更恐五年三歲後些些談笑亦應無

題詩屏風絕句

并序

十二年冬微之猶滯通州予亦未離溫上相去萬里不見三年鬱鬱相念多以吟
詠自解前後辱微之寄示之什殆數百篇雖藏篋中永以為好不若置之座右如
見所思繇是掇律句中短小麗絕者凡一百首題錄合為一屏風舉目會心叅若
其人在於前矣前輩作事多出偶然則安知此屏不為好事者所傳異日作九江
一故事爾因題絕句聊以獎之

相憶采君詩作障自書自勘不辭勞障成定被人爭寫從此南中紙價高

答微之

微之於閬州西寺。手題予詩。予又以微之百篇題此屏上。各以絕句相報答。

君寫我詩盈寺壁。我題君句滿屏風。與君相遇知何處。兩葉浮萍大海中。

偶宴有懷

遇興尋文客。因歡命酒徒。春遊憶親故。夜會似京都。詩思閒仍在。鄉愁醉髮無。狂來欲起舞。慙見白髭鬚。

山中酬江州崔使君見寄

眷眎情無限。優容禮有餘。三年為郡吏。一半許山居。酒熟心相待。詩來手自書。庾樓春好醉。明日且回車。

山枇杷

深山老去惜年華。況對東溪野枇杷。火樹風來翻絳燄。瓊枝日出曬紅紗。回看桃李都無色。映得芙蓉不是花。爭奈結根深石底。無因移得到人家。

聞李尚書拜相因以長句寄賀微之

憐君不久在通川。知己新提造化權。夔萬定求才濟世。張雷應辨氣衝天。那知淪落天涯日。正是陶鈞海內年。肯向泥中拋折劍。不收重鑄作龍泉。

歲暮

窮陰急景坐相催。壯齒韶顏去不回。舊病重因年老發。新愁多是夜長來。膏明自發緣多事。鴈默先烹為不才。禍福細尋無會處。不如且進手中杯。

雨中赴劉十九二林之期及到寺劉已先去因以四韻寄之

雲中臺殿泥中路。既阻同遊嬾却還。將謂獨愁猶對雨。不知多興已尋山。纔應行到千峰裏。只校來遲半日閒。最惜杜鵑花爛熳。春風吹盡不同攀。

薔薇正開春酒初熟因招劉十九張大夫崔二十四同飲

甕頭竹葉經春熟。階底薔薇入夏開。似火淺深紅壓架。如飴氣味綠粘臺。試將詩句相招去。倘有風情或可來。明日早花應更好。心期同醉卯時杯。

李白墓

采石江邊李白墳。繞田無限草連雲。可憐荒隴窮泉骨。曾有驚天動地文。但是詩人多薄命。就中淪落不過君。

對酒

漫把參同契。難燒伏火砂。有時成白首。無處問黃芽。幻世如泡影。浮生抵眼花。唯將綠醕酒。且替戴河車。

戲答諸少年

顧我長年頭似雪。饒君壯歲氣如雲。朱顏今日雖欺我。白髮他時不放君。

風雨晚泊

苦竹林邊蘆葦叢。停舟一望思無窮。青苔撲地連春雨。白浪掀天盡日風。忽忽百年行欲半。茫茫萬事坐成空。此生飄蕩何時定。一縷鴻毛天地中。

題崔使君新樓

憂人何處可銷憂。碧甃紅閣湓水頭。從此潯陽風月夜。崔公樓替庾公樓。

山中戲問韋侍御

我抱棲雲志。君懷濟世才。常吟反招隱。那得入山來。

贈曇禪師

夢中作

五年不入慈恩寺。今日尋師始一來。欲知火宅焚燒苦。方寸如今化作灰。

寄微之

帝城行樂日紛紛。天畔窮愁我與君。秦女笑歌春不見。巴猿啼哭夜嘗聞。何處琵琶絃似語。誰家烏鵲墮如雲。人生多少歡娛事。那獨十分無一分。

醉吟二首

空王百法學未得。姹女丹砂燒即飛。事事無成身老也。醉鄉不去欲何歸。

兩鬢千莖新似雪。十分一殘欲如泥。酒狂又引詩魔發。日午悲吟到日西。

曉寢

轉枕重安寢。回頭一欠伸。紙窗明覺曉。布被暖知春。莫強踈慵性。須安老大身。雞鳴猶獨睡。不博早朝人。

答元八郎中楊十二博士

身覺一作學浮雲無所著。心同止水有何情。但知瀟灑踈朝市。不要崎嶇隱姓名。盡日觀魚臨澗坐。有時隨鹿上山行。誰能拋得人間事。來共騰騰過此生。

湖亭與行簡宿

潯陽少有風情客。招宿湖亭盡却回。水檻虛涼風月好。夜深唯共阿伶來。按阿伶行簡小字也。

八月十五日夜溫亭望月

昔年八月十五夜。曲江池畔杏園邊。今年八月十五夜。溫浦沙頭水館前。西北望鄉何處是。東南見月幾回圓。臨風一歎無人會。今夜清光似往年。

贈江客

江柳影寒新雨地。塞鴻聲急欲霜天。愁君獨向沙頭宿。水繞蘆花月滿船。

殘暑招客

雲截山腰斷。風驅雨脚回。早陰江上散。殘暑日中來。却取生衣著。重拈小簾開。誰能
淘晚熱。閒飲兩三杯。

潯陽秋懷贈許明府

霜紅二林葉。風白九江波。暝色投煙鳥。秋聲帶雨荷。馬閒無處出。門冷少人過。鹵莽
還鄉夢。依稀望闕歌。共思除醉外。無計奈愁何。試問陶家酒。新篘得幾多。

九日醉吟

有恨頭還白。無情菊自黃。一為州司馬。三見歲重陽。劍匣塵埃滿。籠禽日月長。身從
漁父笑。門任雀羅張。問疾因留客。聽吟偶置觴。歎時論倚伏。懷舊數存亡。奈老應無
計。治愁或有方。無過學王績。唯以醉為鄉。

立名按。老學菴筆記。白詩四十者。雖軍司馬。及一為州司馬。此音司字作
入聲讀。又芥隱筆談。白詩燕姬酌蒲桃。金屑匙。匙槽。蒲匙字皆從仄聲。

問韋山人山甫

身名身事兩蹉跎。試就先生問若何。從此神仙學得否。白鬚雖有未為多。

送蕭鍊師步虛詞十首卷後以二絕繼之

欲上瀛洲臨別時。贈君十首步虛詞。天仙若愛應相問。向道江州司馬詩。
花紙瑤緘松墨字。把將天上共誰開。試呈王母如堪唱。發遣雙成更取來。

贈李兵馬使

身得武師餘氣槩。家藏都尉舊詩章。江南別有樓船將。燕領虬鬚不姓楊。

題遺愛寺前溪松

偃亞長松樹。侵臨小石溪。靜將流水對。高共遠峰齊。翠蓋煙籠密。花幢雪壓低。與僧清影坐。借鶴穩枝棲。筆寫形難似。琴偷韻易迷。暑天風撼撼。一作瑟瑟晴夜露淒淒。獨憩依為舍。閒行繞作蹊。棟梁君莫采。留著伴幽棲。

廬山草堂夜雨獨宿寄牛二李七庾三十二員外

丹霄攜手三君子。白髮垂頭一病翁。蘭省花時錦帳下。廬山雨夜草菴中。終身膠漆心應在。半路雲泥迹不同。唯有無生三昧觀。榮枯一照兩成空。

開楊十二新拜省郎遙以詩賀

文昌新入有光辉。戴界宮牆白粉闥。曉日難人傳漏箭。春風侍女護朝衣。雪飄歌句高難和。鶴拂煙霄老慣飛。官職聲名俱入手。近來詩客似君稀。項曾有贈楊詩落句云。不用更教詩過好。

折君官職是詩名。今故云俱入手。

三月三日懷微之

良時光景長虛擲。壯歲風情已閑銷。忽憶同為校書日。每年同醉是今朝。

贈韋八

辭君歲久見君初。白髮驚嗟兩有餘。容鬢別來今至此。心情料取合何如。曾同曲水花亭醉。亦共華陽竹院居。豈料天南相見夜。哀猿瘴霧宿匡廬。

春江閒步贈張山人

江景又妍和。牽愁發浩歌。晴沙金屑色。春水麴塵波。紅簇交枝杏。青含卷葉荷。藉莎憐軟暖。憩樹愛婆娑。書信朝賢斷。知音野老多。相逢不閒語。爭柰日長何。

春聽琵琶兼簡長孫司戶

四絃不似琵琶聲。亂寫真珠細撼鈴。指底商風悲颯颯。舌頭胡語苦醒醒。如言都尉思京國。似訴明妃厭虜庭。遷客共君相勸諫。春腸易斷不須聽。

吳宮詞

一入吳王殿。無人覩翠蛾。樓高時見舞。宮靜夜聞歌。半露臂如雪。斜迴臉似淚。妍媸各有分。誰敢妒恩多。

送韋侍御量移金州司馬

時予官獨未出

春歡雨露同霑澤。冬歎風霜獨滿衣。留滯多時如我少。遷移好處似君稀。臥龍雲到須先起。蟄燕雷驚尚未飛。莫恨東西溝水別。滄溟長短擬同歸。